



UPRAVA POLICIJE

Broj: 05-04/06-11-6/2026

Dana: 30.01.2026. godine

Na osnovu člana 69. stav (2) tačka d), člana 70. stav (1), (4) i (6), i člana 71. Zakona o javnim nabavkama BiH („Službeni glasnik BiH“, broj 39/14 i 59/22, 50/24), Pravilnika o javnim nabavkama MUP USK-a i Uprave policije MUP USK-a („Službeni glasnik USK - a“, broj 09/23), člana 27. stav (2) i (3) i člana 26. Zakona o unutrašnjim poslovima Unsko-sanskog kantona („Službeni glasnik USK-a“, broj 13/16 i 16/17 i 8/24), u postupku javne nabavke usluga – servisiranje službenih motornih vozila u garantnom roku marke „SEAT - ATECA“, za potrebe Uprave policije MUP USK-a, na period od tri (3) godine (2026.-2028. godina), zamjenik direktora Uprave policije MUP USK-a **d o n o s i :**

**ODLUKU
o poništenju postupka javne nabavke**

Član 1.

Prihvata se Preporuka Komisije za javnu nabavku broj: 05-04/01-1-11-6/26 od 28.01.2026.godine, te se poništava postupak nabavke usluga servisiranja službenih motornih vozila Uprave policije MUP USK-a, u garantnom roku marke „SEAT-ATECA“ na period od tri (3) godine, iz razloga što nije prispjela niti jedna prihvatljiva ponuda.

Član 2.

Za realizaciju ove Odluke zadužuje se Sektor za materijalno-finansijske poslove i IKT, Odsjek za materijalno opremanje i komercijalne poslove Uprave policije MUP USK-a.

Član 3.

Ova odluka će se objaviti na web stranici: mupusk@mupusk.gov.ba istovremeno s upućivanjem ponuđačima koji su učestvovali u postupku javne nabavke u skladu sa članom 70. stav (4) i (6), Zakona o javnim nabavkama BiH.

O b r a z l o ž e n j e

Ugovorni organ – Uprava policije MUP USK-a je pokrenuo postupak javne nabavke odlukom o pokretanju postupka broj: 05-04/06-11-6/2026 od 05.01.2026. godine.

Javna nabavka je provedena primjenom konkurentskog zahtjeva za dostavljanje ponuda. Kriterij za dodjelu ugovora je ekonomski najpovoljnija ponuda.

Ukupna procijenjena vrijednost javne nabavke za period od tri (3) godine (2026.- 2028.godina), bez PDV-a iznosi do 40.000,00 KM

Obavještenje o nabavci broj: 20936-7-2-2-3-1/26 objavljeno je dana 16.01.2026. godine na Portalu javnih nabavki.

Komisija za javnu nabavku imenovana je Rješenjem br:05-04/04-2-11-1037/25 od 04.06.2025. godine, od 04.09.2025 i 18.11.2025.godine.

Krajnji rok za prijem ponuda bio je 28.01.2026. godine do 12,00 sati.

Komisija za javnu nabavku dostavila je Zapisnik sa otvaranja ponuda od 28.01.2026.godine, Zapisnik o ocjeni ponuda broj: 05-04/01-1-11-6/26 od 28.01.2026. godine i Preporuku broj: 05-04/01-1-11-6/26 od 28.01.2026.godine, u postupku javne nabavke usluga servisiranja službenih motornih vozila Uprave policije MUP USK-a u garantnom roku marke „SEAT“ na period od tri godine.

U postupku po Zapisniku sa otvaranja ponuda utvrđeno je da je Komisija za nabavku blagovremeno i pravilno izvršila otvaranje prispjelih ponuda o čemu je sačinila i odgovarajući zapisnik, u kojem je utvrdila sljedeće:

- da je u predmetnom postupku primljena 1 ponuda
- da je blagovremeno primljena 1 ponuda,
- da nije bilo neblagovremeno primljenih ponuda i
- da je pristigla ponuda od ponuđača „UNA AUTO“ d.o.o. Bihać.

Dalji postupak Komisija je provela na način da je izvršila provjeru kvalifikacija ponuđača i pristigle ponude u skladu s uvjetima iz tenderske dokumentacije, o čemu je sačinila Zapisnik o pregledu i ocjeni ponuda, u kojem je utvrdila slijedeće:

- da je pristigla samo jedna ponuda i to ponuda od ponuđača „UNA AUTO“ d.o.o. Bihać;
- uvidom u dostavljenu ponudu i dokumentaciju ponuđača konstatovala je da ponuđač ne ispunjava uvjete koji su traženi tenderskom dokumentacijom,
- Naime, ponuđač u svojoj ponudi nije dostavio Izjavu o nepromjenjivosti cijena koja je tražena tačkom 17. Tenderske dokumentacije, a koju je prema uvjetima iz tenderske dokumentacije bio obavezno dostaviti u ponudi.

Shodno naprijed navedenom, Komisija je konstatovala da ponuđač „UNA AUTO“ d.o.o. Bihać u svojoj ponudi nije dostavio Izjavu o nepromjenjivosti cijena, pa je dostavljenu ponudu ocjenila kao nepravilnu, a samim tim je dostavila i preporuku da se navedeni postupak poništi, iz razloga što u konkretnom postupku nije dostavljena niti jedna pravilna odnosno prihvatljiva ponuda.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavku.

Naime, u postupku je ocijenjeno da je Komisija u svemu pravilno postupila, te da je poništenje postupka javne nabavke usluga preporučeno po članu 68. stav (4) tačka i) - ponuda nije potpuna i ne ispunjava zahtjeve iz tenderske dokumentacije, u skladu sa Zakonom o javnim nabavkama.

Iz navedenih razloga, primjenom člana 69. stav (2) tačka d) Zakona o javnim nabavkama Bosne i Hercegovine ("Sl. glasnik BiH" broj: 39/14, 59/22, 50/24), Pravilnika o javnim nabavkama MUP USK-a i Uprave policije MUP USK-a ("Službeni glasnik USK - a", broj 09/23), člana 27. stav (2) i (3) i člana 26. Zakona o unutrašnjim poslovima Unsko-sanskog kantona ("Službeni glasnik USK-a", broj 13/16 i 16/17, 8/24), odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 5 (pet) dana od dana prijema ove odluke.

Žalba se izjavljuje Uredu za razmatranje žalbi BiH putem Ugovornog organa u pisanoj formi direktno ili preporučenom poštanskom pošiljkom na adresu Ugovornog organa u dovoljnom broju primjeraka.

Dostavljeno:

1. Ponuđaču: „Una auto“ d.o.o. Bihać, putem e-maila: unaauto@unaauto.ba
2. Sektor za mat. fin. poslove i IKT,
3. a/a



502. Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560
 Web: www.mupusk.gov.ba, e-mail: mupusk@mupusk.gov.ba , mat-fin-ikt@mupusk.gov.ba